

Жиддада Ўзбекистоннинг янги бош консули иш бошлади



13:50 / 30.09.2021 1915

Ўзбекистоннинг Жиддадаги янги Бош консули Нодиржон Турғунов кеча Саудия Арабистони ташқи ишлар вазирлиги ваколатхонаси бош директори Мазен ал-Ҳамали билан учрашди, деб хабар бермоқда «Дунё» АА.

Суҳбат чоғида савдо-иқтисодий, маданий-гуманитар соҳалардаги ўзаро манфаатли Ўзбекистон - Саудия Арабистони муносабатларини кенгайтириш масалалари муҳокама қилинди.

Учрашув якунида Мазен Ал-Ҳамали Саудия Арабистони томони Ўзбекистон Бош консулхонасининг фаолиятига кўмак кўрсатишга тайёр эканини маълум қилди.

Эслатиб ўтамиз: Ўзбекистоннинг Жидда шаҳридаги янги бош консули Нодиржон Турғунов 46 ёшда. У Тошкент давлат шарқшунослик институтининг араб филологияси факультетини тамомлаган. 2019-2021 йилларда Ўзбекистоннинг Актау шаҳридаги (Қозоғистон) Бош консули лавозимида ишлаган.

Нодиржон Турғунов шу кунга қадар Ўзбекистоннинг Жиддадаги Бош консулхонасига раҳбарлик қилган Сирожиддин Шамсутдинов ўрнида иш бошлади.

Манба: Ўзбекистон мусулмонлари идораси матбуот хизмати